

Onisiny 20

1. Isham kuna Waa`g hai ka, Waa`g raya bisichoka hai haiche?

-He ma hainy.

2. Isham kuna `daa giri Waa`g hai ka, Waa`g maa bisachiet hidhle mu tigid mi chida, mi mure?

-Waa`g maa he chiretika Abiram gaal hi yedhe.

3. Waa`g Abiram chiretela `daa giri Abiram adab tagmaninya?

-He muniny.

-Abiram he adab `guo.

-Abiram he Adam hidhle.

-Abiram adab ki dallidhe.

4. Waa`g hate yie Abiram chirete?

-Abiram adable he ki muritle hat kufach ka ii yie.

-Abiram adable maa gaa bisioka hat Waa`g takama ka ii yie.

-Abiram hat Waa`g maa bisachiet ale gaa kakayoka, ii yie.

5. Af kinaala Abiram ubaa Saray umle mia?

-He veel man.

6. Abiram ubaa Saray um ma dalinyela `daa mare?

-Saray `daa giri dege`de ka.

7. Waa`g Abiram meete tagna chie geyche?

-Waa`g Abiram he geycheka, lesku hash, les yu ko argisowa me na chie, geyche.

8. Waa`g Abiram af le ki geyche.

-Waa`g Abiram af le ki geychela, af kinaala wargat Waa`gieta he mai veriya man.

-Waa`g kulich heela hate yie mu gaal gedicha.

-Kulich heela Waa`g wargatle saas mana gaal ki gedicha.

9. Waa`g Abiram meete geyche?

-Abiram gaal burney hidhle midhaba hai yu ko shigia, Waa`g hi chie.

-Waa`g hat Abiram `du `jenka mu geyche.

-Waa`g Abiram gaal hi `du `je`jenka hai `du `jene, gaal he `do`doroka hai `do`do chie, geyche.

-Waa`g Abiram hidhle mu tigid `daa le gaalat lulle hai `du`jene chie, geyche.

10. Abiram hidhle mu tigid gaalat lulle `du `jenka he maya?

-Maa bisachieta.

11. Maa bisachiet kayimetala meete tagnana?

-Maa bisachiet kayimetala adab fargogintle hai ka adadha.

-Maa bisachiet kayimetala kufach fargogintle hai ka adadha.

-Maa bisachiet kayimetala Satan fargogintle hai ka adadha.

-Maa bisachiet kayimetala Waa`g ubaa gaalat get wol fafa.

12. Abiram `deeny Waa`g he woteka he ii yie?

-Ii.

13. Waa`g Abiram geycheka, waasel Abiram meete tagniye?

-Abiram lesle gaa ijeka hai, les Waa`g hi argisicheka me nie.

14. Waa`g Abiram les mere argisiche?

-Waa`g Abiram les kana gaal hi Kanan yegetka argisiche.

-Loot he maya?

-Loot Abiram iny nyarle mu les Kanan wol `du eedhe.

-Kulich tigid Loot ubaa Abiram wol idhansie.

Erkob 13:5-7 ki toyo

5-Loot giri Abiram hol `gieka, he aanyle ubaa enyle `gie.

6-`Daa gaal aanyle hi ki burneyka, les kinaala gaal hi hol af yiedianka he gaal aanyle hol ma ki egeen.

7-Aale gaal aany `de`deen, Abiram ubaa gaal aany `de`deen, Lootka hol idhansie. Bar kinaala les galle hi gaa ijeka gaal Kanan ubaa gaal Beris.

-Loot ubaa Abiram meete wol `du idhansie?

-Abiram aanyle sum burney.

-Loot ubaa aanyle sum burney.

-Loot ubaa Abiram aanyle `daa giri sum burneyka, he ish hi wol ma ki nyoriny.

-Abiram `dee haduoka meete tab`dodhe?

Erkob 13:8-9 ki toyo

8-Aale Abiram Loot gey, kieye, muun holo ku hol `dale, ha ki hol idhansiny, gaal aanyku `de`deenka ubaa gaal aanychu `de`deenka hai hol idhansiny.

9-Les lulle argiyola, he gaal ma nyoriny? Ku hol eiy gaa `gisat. Kun `daa `jibach ki gu`deka, yu `daa naaniet ha ki gure. Kun `daa naaniet ki gu`deka, yu `daa `jibach ha ki gure, yie.

-Abiram Loot wol in eiyka guranka tab`dodhe.

-Loot al le fe`do guguranka Abiram hi tab`dodhe.

-Loot `daa bariyo ki gureka, Abiram `daa aadho hai ki gurma.

-Ta Loot `daa aadho fe`doka, Abiram `daa bariyo hai ki gurma.

-Lot `daa he fe`doka eba ki toyo

Erkob 13:10-11

10-Loot `daa Sowar gaa dhay, gol Yordan lulle hatle bie hi gaa ijo, hat les Eden hele Yoowa hi fieka ka taal, ubaa hat les Misirayim ka taalka arge. Af kinaal Yoowa he eny Sodom ubaa eny Gomora hatle ma beesen.

11-Aale Loot `daa gol Yordan lulle galay, `daa bariyo ki gure, gaal hol eiy gaa `gite.

-Loot gol Yordan `daa bariyo galay.

-Loot gol Yordan `daa bariyo galayela `daa mare?

-`Daa kinaala `daa giri ish aanyet hi gaa ijoka.

-Loot ish takama tab`do`dodho.

-Loot aanyle burneyka takama tab`do`dodho.

-Loot kamurle takama tab`do`dodho.

-Loot gol galayela he `deeney.

-Loot `daa mare `deeney?

-Loot `daa giri erkob Waa`g ma hesenka.

-Loot Waa`g met gaa kekeenka ma fe`diny.

-Kayin `daa giri Waa`g met ma kinya, nyarle Abel yies.

-Kayin hidhle Waa`g met gaa kekeenka he ma fe`diny.

-Kayin hidhle lulle bie gaal badisoka hi yies.

-Waa`g ki met ma kinya, hate ki `deeme?

-Waa`g ki met ma kinya, mun ha ki kufuma.

-Waa`g ki met ma kinya, Satan ubaa arjanle al Waa`g hi tagniye `jiet biyoka ha ki seeme.

-Aany burneyka ubaa kamur gudoka `jiet basiet biyoka hai gaal gaa bisicha?

-He gaal ma bisiny.

-Loot Waa`g met ma kiny ubaa gol Yordan `du gure.

Erkob 13:12-13 ki toyo

12-Abiram les Kanan ki `gite. Loot in `jien gol gaa ijeka `daale ki gure, Sodom gaa gudhe.

13-Gaal Sodom he gaal `de`deew, adabano ubaa nyogim `guoka. Gaal kinaala he Yoowa hi nebka ekemeye.

-Gol kinaala e met naama hi gaa ije.

-Eny kinaala meenyle Sodom ubaa Gomora.

-Sodom ubaa Gomora Waa`g ii ma yien.

-Sodom ubaa Gomora galle he tag `deew.

-Sodom ubaa Gomora hele `deewka, he Waa`g hi argiye?

-Ii.

-Tawiny kuna ki Waa`g inka sholsoka he ki uro?

-He ki ma uriny.

-`Dee wot kuno ki wogodhoka he ki Waa`g inka sholsoka he ki uro?

-He ki ma uriny.

-He kuna ki tagnanoka ki Waa`g inka sholsoka he ki uro?

-He ki ma uriny.

-Loot les gol Yordan `du gureka wassel Waa`g Abiram meete geyche?

Erkob 13:14-15 & 17

14-Abiram ubaa Loot hol eiy gaa `giteka, Yoowa Abiram gey, kieye, Eba al taalala me les gaa eeb, bii `dinam hat he taal, `daa uru, `daa meles, `daa bariyo, ta `daa aadho lulle gaa dhaash.

15-Lesala lulle kun hi argiyola, kun ubaa umutkua yu hi shigia, taale `jig biyo.

17-Ke. Les yu ko shiguola gaa guchle ubaa me `dermitle gaa sesemo, Yoowa hi yie.

-Waa`g Kanan lesle lulle hat Abiram shigichoka wogote.

-Waa`g get Abiram ataal geyche.

Erkob 15:5-6 ki toyo

5-Aale Yoowa Abiram baad ye ki `deey, kieye, Eba ur ki fu`jig, hidhino tuosh, har hidhino me ki daranka. Hidhku umle burnetle hat hidhino hai yedhe, yie.

6-Abiram Yoowa ii yie. Mu `daa Yoowa ii ki yieka, in Yoowa mu maa `duwaka yie.

-Get Waa`g Abiram hidh ku had hidhino hai yedhe, chie.

-Hidhino burnetle mia?

-Maa nini he toyle uroka man.

-Abiram ubaa veel mananka, mi hidhle hat hidhino burnetle hai yedhe, Waa`g hi chie.

-Abiram ubaa veel mananka, `deeny Waa`g hi geycheka he ii yie?

-Ii.

-Abiram kulich tigid hat Waa`g hi veel shigichoka ii yie.

-Abiram hat maa bisachiet Waa`g ale gaa kakayoka `daa hidhle hat ye gaa `de`deenka ii yie.

-Waa`g hat Abiram geycheka eba ki dhayo.

Erkob 15:13-16 ki toyo

13-Yoowa mu gey, kieye, Heella onob, hidhku umle hatle hol ka hoduoka bar tigid les eiy he ma lilenyka gede hai gaa yedhe, waram ku`d afur ha gaali gaa manyjasia.

14-Aale gaal les kinaalo umku gede hosotka he ha yu ki ekemeye. Bar `daatika gaal les kinaala hai gaa keeme. Gaal ka kekeenka, kamur gudoka hai ki gurma.

15-Kor kun vinam midhab me `derka ha vinata. Kun naana guram hi ko gurma.

16-Harim met hi afur yieka, gaalku ged ala holol `dugaa naadha, `daab gaal Emor hele `de`deew, ekemeyoka a meenyle ma ki `dinyka, Yoowa hi yie.

-Get Waa`g Abiram hidhle hi siet hi les eiy taaka gaa yeduo, he war kud afur wassel Waa`g gaal wol ka niye les Kanan gaa yeduo chie.

-Waa`g Abiram hidhle hat `de`deenka hate yie og?

-Waa`g Abiram hidhle kisotia hat `de`deenka he og.

-Birika hate `de`deenka iti og?

-Nyanyi mog.

-Ta war kachimet atia hate `de`deenka iti og?

-Nyanyi mog.

-Waa`g in he lulle og.

-Birika he gaal `du kayimetka he Waa`g he og.

-Ta `gui ka verenatia he gaal `du kayimetka he Waa`g he og.

-Ta war kachimet atia he gaal `du kayimetka he Waa`g he og.

-Bii war etiya hat ka `de`deenka Waa`g takama he og.

-Abiram warle tomonam sal a sal chieka get Waa`g atal geyche.

Erkob 17:1-5 ki toyo

1-Abiram waram hi tomonam sal, a sal yieka, Yoowa hi ye `degaa `die. Yoowa mu gey, kieye, Yu he Waa`g Fargogint Lulle `Gayoka, inumchu hat `dabaanka gaa sesemo, ha he `de`deewka gaa seseminy.

2-`Deeny yu ko af idieka, hele ha yu ko shigia. Kun ha yu ko hegersia, Yoowa hi yie.

3-Abiram abun le `doy, Waa`g hol gey, Waa`g kieye,

4-Dhaash, `daachuka, `deenyhia kun yu ko af idieka kun aaleka e meet burneyka `jjiale ha chedhe.

5-Meenyku he ged maa hi Abiram yeget man. Meenyku aale Abirayamo yedhe, `daa giri yu ko e meet burneyka `jjiale hoduoka.

-Waa`g Abiram geyche, mu meeny kaanaka shiche.

-Waa`g meeny kaanaka mu shicheka hate yie?

-Abirayam.

-Waa`g Abiram meeny kaanaka shichela `daa mare?

-Keyieka Abiram hidhle `daa giri he burnoka.

-Waa`g Saray ubaa meeny kaanaka shiche.

Erkob 17:15-16 ki toyo

15-Aale Waa`g gedi Abirayam geyche, kieye, Minkua Saraay meenyle ha gedi Saraay chien. Mu meenyle aale Sara he yedhe.

16-Minela ha yu `du `jeme, mu veel yab hai ko ki `daala. Mu ha yu `du `jeme, mu e meet burneyka `jjiele hai yedhe, gaal kaansuoka mu yie hai gaa `deeme, Waa`g hi chie.

-Waa`g meeny kaanaka mu shicheka hate yie?

-Sara.

-Waa`g Saray meeny kaanaka shichela `daa mare?

-Keyieka Saray hidhle `daa giri he burnoka.

-Sara dege`de ubaa vinete ononyka Waa`g meete mu geyche?

-Sara hat veel yab `daloka, Waa`g hi geyche.

-Waa`g Abirayam geycheka, Abirayam he tagniyeka ki toyo

Erkob 17:17

17-Aale Abirayam abun le `doy, kosole, gerle ki tawie, kieye, Yaa waram ye kudal, hate veel `daala? Ta Sara waram hi tomon salal he `daalo? yie.

-Abirayam ubaa Sara waram hi mia?

-Abirayam warle kud tigid ubaa Sara warle tomonam sal.

-Abirayam kosolela `daa mare?

-Abirayam kosolela, Waa`g af wodho he mure?

-He muniny.

-Ta hate `die Abirayam kosolela?

-Abirayam kosolela `daa giri mu ini ubaa mu minle Sara vivinedheka Waa`g hi veel shigichoka.

-Waa`g maa karsich war hi kud tigdeka ubaa min karsidhe war hi tomonam sal dege`deka veel yab shigichoka he u`do?

-Ii he u`do.

-Maa yab erkoba maa hi tagniyeka maya?

-Waa`g.

-Maa `diet erkoba maa hi tagniyeka maya?

-Waa`g.

-Maa sidh gil ka `guoka maya?

-Waa`g.

-Waa`g he ma urinyka he bii gaa ijo?

-He man.

-Waa`g maa karsich war hi kud tigideka ubaa min karsidhe war hi tomonam sal dege`deka veel yab shichoka he u`do.